

OHR osuđuje napad na novinara BN TV Vladimira Kovačevića



Ured visokog predstavnika snažno osuđuje napad na novinara BN TV Vladimira Kovačevića, koji se dogodio u nedjelju u Banja Luci. OHR poziva institucije Republike Srpske da provedu nepristrasnu, brzu i temeljitu istragu o ovom nasilnom činu kako bi počinitelji bili izvedeni pred lice pravde te da o toku istrage i rezultatima blagovremeno informiraju javnost.

Politički i institucionalni lideri RS imaju odgovornost da stvore okruženje u kojem mediji mogu nezavisno i profesionalno obavljati svoj posao, bez političkih pritisaka ili nasilja.

Nasilje protiv bilo kojeg građanina, uključujući i novinare, ne može se tolerirati ni u jednom demokratskom društvu. Novinari imaju pravo da rade bez straha i na osnovu toga u kakvom okruženju oni rade, prepoznaje se i samo društvo.

Brutalni napad na gospodina Kovačevića posljednji je u nizu napada na predstavnike medija širom Bosne i Hercegovine. Takvi napadi su direktan rezultat neodgovorne retorike političara, koja proizvodi tenzije i truje javni diskurs u zemlji i koja dugoročno gledano ne može proći bez posljedica.